

ծիքների անսպասելի դաժանութեամբ: Յիշում ենք և երբեք չենք մոռանալ նրա օլիմպիական սառնութիւնը մի քանի հարիւր հազար տաճկահայ կոտորուածների վերաբերմամբ: Յիշում ենք և երբեք չենք մոռանալ, որ նա չը բարեհաճեց ոչ միայն մի քանի տող նուիրել միլլիօնաւոր հայաժողովների և թշուառների բողոքին, այլ և չը տատանուեց մինչև անգամ բացարձակ արտայայտելու իւր անտարբերութիւնը:

Ինչ է նշանակում մեծ հեղինակի այս վարմունքը: Մեծութիւն, թէ՞ միւրաժ: Մարդիկ կարող են չափազանց յափշտակուել և մի սոսկ տաղանդաւոր գրողի նոր մարգարէի բարձրութեանը արժանացնել. բայց միթէ մարգարէները անողոք են եղել դէպի թշուառների վիճակը:

Ճակատագրական է ուսա նշանաւոր գրողների վերջը նըրանց հոգեկան աշխարհի համար առհասարակ: Գօգօլը գրեց գրեց և վերջը ընկաւ միստիցիզմի մէջ: Դոստոեւսկին նկարագրեց, նկարագրեց թշուառների ու զրկուածների վիճակը և վերջը դարձաւ նոյնպէս միստիկ և թթու ազգամուր: Այժմ Տօլստօյը: Նա հերքում է Շէքսպիրի արժանաւորութիւնները: Տէրը նրա հետ Շէքսպիրին շատերն են փորձել կործանել և այժմ նրանց անուան հետքն անգամ չի մնացել, իսկ Շէքսպիրը կայ և կը մնայ: Սակայն հերքել ուսա լաւագոյն ինտելիգենցիայի և ուսա բանուորների լաւագոյն մասի ձգտումների իմաստը, այս այնքան էլ թոյլ յանցանք չէ, որ պատմութեան պատժից զերծ մնայ...

Այժմ մեծ հօր փոքրիկ որդու մասին: Սա ևս գրող է, միայն գրող է աստուղը շուռ տուած: Տօլստօյ-որդին «Ноб. Времѣ»-ի խախտւո սիւններից մէկն է: Դեռ մի քանի ամիս առաջ այս նոր Հերոստրատը սպառնում էր Սուվօրէին կազմած մի գնդով ջնջել աշխարհի երեսից Անգլիա կոչուած պետութիւնը և Նեվայի ափերից ուժակոծում էր ծովերի թագաւոր Ալբիօնի հրեշաւոր նաւերը: Այժմ նա ճգնում է թղթէ փամփուշտներով իւր հայրենիքի ներքին հսկայական շարժման առաջն առնել: Երագիրներ է յօրինում միմեանցից խորիմաստ և հանճարեղ, որոնք սակայն ենթարկւում են իւր հայրենիքի հրախտածո հրապարակասոսների ծաղրին և ծիծաղին:

ՆՈՐ ՊԱՐՔԵՐԱԿԱՆ ՀՐԱՏԱՐԱԿՈՒԹԻՒՆՆԵՐ

Կովկասեան հայ պարբերական մամուլը հարստանում է մի քանի նոր հրատարակութիւններով: «Ազգային բանբեր»

թերթի մասին արդէն գրել ենք: Նրա խմբագիր-հրատարակիչ պ. Գէորգ Մելիք-կարագեօզեանը տտկաւին թոյլտուութեան իրաւունքը պահում է իւր գրասեղանում, երբ պիտի սկսի լրագիրը հրատարակուել՝ չգիտենք: «Նոր-Դարը» վերսկսում է ներկայ մայիսից և արդէն բաժանորդագրութիւն է բաց արել: Բազում երդուեալ հաւատարմատար պ. Ս. Յարութիւնեանը աշխատում է ձեռք բերել «Ջայն» վերնագրով մի ամենօրեայ լրագրի հրատարակութեան իրաւունք: Տպագրական գործերի գլխաւոր վարչութիւնը, ասում են, արդէն տուել է իւր հաւանութիւնը, մնում է կատարել մի քանի ձևականութիւններ: «Ջայնը», հակառակ գոյութիւն ունեցող հայ լրագիրների ծաւալին, որ մինչև այժմ գրպանի թաշկինակից մեծ չի եղել, պիտի հրատարակուի և կրօնական և ուսական լրագրների մեծ ծաւալով: Լրագիրը հրատարակուելու է Բազում: Մասնաւոր փաստաբան և „Тиф. Листокъ“ լրագրի նախկին խմբագիր պ. Յովհաննէս Խաչատրեանը խնդրամատոյց է եղել, որ թոյլ տրուի իրան Թիֆլիսում հրատարակել «Ժողովուրդ» անունով մի ամենօրեայ քաղաքական, հասարակական և գրականական հայերէն լրագիր: Պ. Խաչատրեանը նոյնպէս ստացել է պատշաճաւոր իշխանութեան հաւանութիւնը և արդէն հոգում է ապագայ խմբագրութեան կազմի մասին: Նա մտադիր է իւր լրագիրը դնել հայ յայտնի գրողների տրամադրութեան տակ: Ուսուցիչ պ. Ղարաբեօզեանը նոյնպէս աշխատում է ձեռք բերել իրաւունք Թիֆլիսում հրատարակելու «Սօք» անունով մի ամենօրեայ թերթ: Իսկ տիկ. Լիսիցեանի «Հասկեր» անունով մանկական ամսագիրը պիտի հրատարակուի սեպտեմբերից:

Այժմ մեր խմբագիրներին մնում է հոգալ բաժանորդներ ձեռք բերելու. մասին, որ իրանց հրատարակութիւնների համար մահուան և կեանքի խնդիր է և գրաւել աշխատակիցներ, որ նոյնպէս պակաս կարևոր խնդիր չէ: Բաժանորդագրութեան յաջողութիւնը գլխաւորապէս կախուած կը լինի մրցումից: Իսկ մրցման մէջ յաջողութիւն կունենայ այն հրատարակութիւնը, որ կը կարողանայ իւր կողմը գրաւել մեր լաւագոյն գրականական ոյժերը: Իսկ գրականական լաւ ոյժեր գրաւելու համար մեր խմբագիրները, բացի ուղղութիւնից, պէտք է ունենան և մի ուրիշ զօրաւոր միջոց—գրամ: Անցան այլ ևս այն երանելի ժամանակները, երբ թերթերը պահում և պահպանում էին ձրի աշխատակիցների շնորհիւ: Այդ ողորմածութիւնը այժմ մի փոքր սպառուել է: